


DEL SIGNOR D. NICOLÒ CAPASSO
Regio Professor Primario di Leggi
A GIAMBATTISTA VICO.



HÆC patriae, & nostris deerant solatia votis,
O patriae, & nostri, VICE diserte, decus,
Ut, tua sedulitas quod amico fidere germen
 Hactenus ingenuis artibus excoluit,
Prospiceretque sibi, serisque relinqueret annis
 Stirpis honoratae pignora digna suae.
Extulit hanc Patruus victoricibus inextinguis armis,
 Nobilitatque tuus fortia facta liber:
Praestat oliviferae nunc crescere Palladis artes,
 Caesaris & pacem, dona fovere juvat.
Sat ferus Europae discerpfit viscera Mavors,
 Nunc Astraea tuis est opus imperiis.
Ergo CARAPHAEUM cum facta est surculus arbor,
 Par erat hanc fructus dulce gravaret onus.
Cernis, ubi externis vernant viridaria plantis,
 CYRILLUS medicae, quas colit, artis honos;
Exhilarant ut fronde prius, dein flore magistrum,
 Dum fore perpetuum spem facit herba genus:

Se-

Semine si fallat matris reparante ruinam,
 Irritus is studii, quod colit, odit opus.
 Heic nihil aeternum est. sed rerum providus auctor,
 Qua potis est, homini vincere fata dedit.
 Dum viget incolumis virtutis imago paternae,
 Se, putat ex aliqua vivere parte pater.
 Est quaedam natos anima fugiente voluptas
 Adspicere, & patriae consuluisse placet.
 Quamque ferebat opem populo mentisve, manusve,
 Foenore multiplicem reddere mente, manu.
 Nos ea cura manet, non Orbi relinquere noxas,
 Degeneresque vicem ne subeant animi.
 Prorsus honesta domus connubia quaerat honesta,
 Undique sic fortes sanguis uterque creat.
 Non solet aequales genere, ac virtute parentes
 Naetus, in adversas natus abire vias.
 Diis geniti Dii sunt. sed ut impar extitit alter,
 Conditione minor vel Jove natus erit.
 Hac in parte tuo quis cautius egit alumno?
 Contigit an magnos dignior ulla Lares?
 Cui non nota domus BORGHESIA? non decus Urbis
 Tybris, at Euphrates, Nilus, & Ister alit.
 An morata magis fuit expectanda? sed aequat
 Romulidum priscas haec probitate nurus.

N

Quod

*Quod super optandum est, ut cui par obtigit uxor,
Par sit amor, nati sint & utrique pares.
Sic voveo ex animo, in quo est ut dictio, simplex.
Qui cupit alta, tuo quaerat ab ille penu.*

